



Nr.regj. 7795/2012

GJYKATA KOMUNALE PËR KUNDËRVAJTJE VUSHTRRI, gjyqtari duke e vendosur ne procedurën kundërvajtëse kundër të pandehures Arta Ismajli nga Vushtrria, për kundërvajtje nga neni 17 paragrafi 1 pika 1.1 të Ligjit për deklarimin, prejardhjen dhe kontrollin e pasurise te zyrtareve te larte publik, dhe kontrollin e dhuratave per te gjithë personat zyrtar, e në bazë të nenit 73,74,195, dhe 199 të Ligjit mbi kundërvajtjet, me datën 23.10.2012 bjen kete:

AKTVENDIM

E PANDEHURA: Arta Shahin Ismajli e lindur me dt. 26.12.1988 në Mitrovice tani banon ne Vushtrri rr "Gj. K. Skenderbeu" nr. 7, studente , e pa martuar, te kryer shkollen e mesme, gjendjen ekonomike te mire, me pare jo e denuar.

ESHTË PËRGJEGJËS

Sepse e pandehura Arta Ismajli zyrtgar i larte publik ne komunen e Vushtrris, e cila ka qene e obliguar qe ta beje deklarimin e pasurise deri me datën 31.03.2012 per vitin paraprak, dhe ta njoftoj Agjencionin kunder korrupsionit, mirepo e njejta nuk e ka permbushur obligimin ligjor te parapar me ligjin per deklarimin, prejardhjen dhe kontrollimin e pasurise.

me cka ka bërë kundërvajtje mos deklarimi i pasurise nga 17 paragrafi 1 pika 1.1 të Ligjit për deklarimin, prejardhjen dhe kontrollin e pasurise te zyrtareve te larte public, dhe kontrollin e dhuratave per te gjithë personat zyrtar.

dhe per kete:

DENOHET

Me gjobë në shum prej 1000 / njemije/ € të cilin gjobë e pandehura ka për të pague në afatin prej 15 ditësh pasi që ky aktvendim të merr formën e prerë në favor të KGJK, nëse gjobën e shqiptuar nuk e pagan në afatin prej 15 ditësh e njejta konformë nenit 5 të LMK-ës do t'i zavendsohet me denim burgimi në kohëzgjatje prej 30 ditësh duke llogaritur nga 15 € për një ditë burge.

Konformë nenit 109 al. 2 të LMK-ës e pandehura është e obliguar që në emër të paushallit gjyqësor të paguaj shumën prej 5 € në afat të njejt me gjobën.

Nga një kopje të këtij aktvendimi të iu dërgohet të pandehures dhe parashtruesit të kërkesës.

Arsyetim

Agjencia Kunder Korrupsionit Prishtine ka parashtruar kërkesën nr. 01-2538/12 dt. 01.08.2012 për iniciimin e procedures kundërvajtëse ndaj të pandehures Arta Ismajli nga Vushtrria, për kundërvajtje, neni 17 paragrafi 1 pika 1.1 Ligjit te cekur me larte.

Gjyqtari e inicioi procedurën për kundërvajtje duke e marrë në pyetje te pandehuren me c'rast e njejta kundervajtjen me te cilen e ngarkon kerkesa e Agjencise Kunder Korrupsion Prishtine e pranon por e njejta ne mbrojtjen e sajë shton se une nuk e kam bere deklarimin e pasurise sepse nje mandat me pare e kam bere deklarimin dhe kam mendue se deklarimi i me parshem vlene edhe per kete mandat kurse nga AKK nuk kam marre formular me shkrim per deklarimin e pasurise por ndoshta ne imelen time eshte dorguar ndonje formular per deklarimin e pasurise por une nuk e kam vrejt dhe per arsyet e cekura me larte nuk e kam bere deklarimin.


Në bazë të kërkesës së parashtruar, marrjes në pyetje të pandehures, gjyqtari në mënyrë të plotë dhe të drejtë e vërtetoi gjendjen faktike se e pandehura nuk e ka bere deklarimin e pasurise siqe eshte parapar me ligje e me kete ka kryer kundërvajtje me te cilen ngarkohet, per cka të njejtrn e shpalli përgjegjës dhe e denoi me gjobën e cekur si në dispozitiv të këti aktvendimi.

Me rastin e shqiptimit të denimit gjyqari i vlersoi të gjitha rrethanat nga neni 7 të LMK-s dhe të pandehures ja shqiptoi këtë denim duke llogarit se edhe me këtë denim do të arrihet efekti i denimit ndaj të pandehures që e njejta në të ardhmen të mos kryej kundërvajtje të këtilla apo të ngjajshme.

Nga sa u tha më lartë u vendos si në dispozitiv.

GJYKATA KOMUNALE PËR KUNDËRVAJTJE VUSH

dt. 23.10.2012



KSHILLA JURIDIKE: Kundër këtij aktvendimi ankesë mund të parashtrohet e pandehura dhe ushtruesi i kërkesës në afatin prej 8 ditësh pas marrjes së këtij aktvendimi, ankesë parashtrohet Gjykatës së Lartë për Kundërvajtje në Prishtinë, përmes kësaj gjykate.